



Ofcogn

THE
WILLIAM R. PERKINS
LIBRARY
OF
DUKE UNIVERSITY



Rare Books







SAPIENTIA ÆDIFICAVIT SIBI DOMVM,
EXCIDIT COLUMNAS SEPTEM. Prou: 9. vers. 1^o



THE UNIVERSITY OF CHICAGO
LIBRARY

BASILICA
SAPIENTIÆ
SEPTEM COLUMNIS INSISTENS
*Reverendissimis, Adm: Reverendis, Religiosis, Prænobilibus,
Nobilibus, ac Eruditis DD.*
AA. LL. & PHILOSOPHIÆ
BACCALAUREIS,
Cum

è literario Philosophici certaminis studio
VICTORES
IN ANTIQUISSIMÆ AC CELEBERRIMÆ
UNIVERSITATIS VIENNENSIS
THEATRO ACADEMICO
PRIMAM DAPHNEM
LARGIENTE

R. P. IOANNE PFLEGER, Soc: IESU
AA. LL. & Phil: Doctore, ejusdem Professore ordinario,
& eorundem DD. BACCALAUREORUM Promotore

Auspiciatò capefferent;
Ab ILLUSTRISS: FACULT: POËTICÂ VIENNENSI adumbratâ,
anno IVbILæo,

QVI à tertIIs Cæsaris nostri nVptIIs ter beatVs, neo Creatos
BaCCaLaVreos MerItâ phIlosoPhiæ LaVreâ InsIgnIVIt.

Typis Matthæi Cosmerovij, S. C. M. Typographi, in Aulâ Colonienfi.

BASILICA

SAPIENTIAE

SEPTIM. COLUMNIS INSTANS

Reverendissimi Aulici, Rectoris, Religiosi, Facultatis
Hoc est, ac Huiusmodi

ARTIS & PHILOSOPHIAE

BACCALARIS

Class.

et litterarum Philosophiae et humanis studio

VICTORES

IN ANTIQVARIIS AC CIBARIIS

UNIVERSITATIS VIENNENSIS

THEATRO ACADEMICO

PRIMAM DAPHNEM

ARGENTIS

R. JOHANNES PLEGER, Soc: 1851

ALL. & EM. Doctor, publicus Professor

et Ordinarius in Aulica Academia

officiarius

Ab illustre Facultate Philosophiae et humanis


anno 1851

Ab illustre Facultate Philosophiae et humanis

officiarius

RBR
V662U

Reverendiss: Adm: Reveren: Religiosi,
Prænobiles, Nobiles, ac Eruditi
DD. BACCALAUREI.



I quæ unquam ars ad rerum sublunarium formam & effigiem propius accedere visa est; palmam sibi dubio procul, conspirantibus in vota sapientissimorum quorumquæ calculis, ingeniosum picturæ artificium vendicabit. Et certè novit eruditus pictorum penicillus linearum decussatim iactarum differentiâ, aptissimo inter se nexu membra concatenare; distinctos in mēbris articulos ad amussim referre; novit hinc ex vibratis in altum oculorū radios, inde serenam vultus purpuram, pendulam capillorum elegantiam, lacteum cervicis ebur, amabilem oris venustatem, Symetriā deniquè & ordinem inter se partium, veritate usquè adeò vivaci exprimere, ut in Zeuxis quâpiam tabella Adonidem non spirare solum, sed propemodum & loqui iurares. Nunquam antè vivacior Hercules, quàm ubi à Zeuxe denuò vitam mutuatus est: nunquam formosior, sibi què per omnia similior Venus, quàm sub dexterâ Apellis: non usquam bellicosior Ajax, quàm in icone Timantæâ. Et quæso, ubi unquam expressius raptam à Stygio Tenebrione

Pnefen

*Proserpinam videre mortales, quàm cum id tragœdiæ fe-
rale spectaculum, Nicomachus peritissimus naturæ imita-
tor, in linteis, veluti in lugubri orchestrâ ob oculos propo-
suit? missam facio Parrhasij cortinam, Timantis Iphige-
niam, Antiphili Satyrum, Nicearchi Gratias, laudatis-
sima Protogenis artificia: unum illud illustre; Aristidem eo
nomine vel Apelle maiorem iudicatum Thebis, quod prius
ipse humanum animum, sensusquæ omnes penicillo adum-
brârit. Fam verò, quid usquæ adeo picturæ gemellum,
quàm divinissima Poesis? est profecto in hac, quod præ illâ
suspicias; est quod Zoilus etiam, aut aliquis Lycambæoden-
te armatus Aristarchus largissimè admiretur. Nam siquid
eximium Poëticæ arti à Superis concessum est; illud certè pal-
marium, quod suos rebus quibuslibet colores, ad invidiam effi-
giatricis naturæ, vivacissimè appingat. Statuerat Maro
pernicissimum equi cursum exarare; quid eo velocius? cum*

*Quadrupedante putrem sonitu quatit ungula campum
annè volat quadrupes artificio Poëtæ? Quid Sergestæa navis
lentos inter deprehensa scopulos, an non etiamnum arte metri*

Infelix faxis in procurrentibus hæret?

Quid unquam Didone luctuosius cum --- ferro

*Collapsam aspiciunt comites, ensesquæ cruore
Spumantem?*

Et dum, Infixum stridet sub pectore vulnus?

Ex adverso, quid Æneâ, ac socijs ad hilaritatem excitatus, cum medijs è fluctibus

Italiam, Italiam primus conclamat Achates.

Demum, ut rem verbo dicam, Poëta aptissimus naturæ imitator, quo nihil ad celeritatem concitatus, nihil gravius ad tarditatem, nihil profusius ad lachrymas, erectius ad gaudium, nihil ad exprimendos hominum animos, ac nativo colore depingendos accommodatus. Quid nî ergo Pictor Poëta? cui calamus penicillus, sepia & verba color, tabella charta, prototypon sunt Marones, & Ovidij, Horatij, & Claudiani, Martiales, & Statij. Et verò, jam olim hoc de Poësi judicium Simonidis fuit, cum adeò cognato vinculo Poësim Picturæ coniunctam esse sentiret; ut & Picturam, Poësim tacitam; & Poësim, Picturam loquentem appellaret. nec aliud in sua arte Poëtica sensit Horatius, cum dixit:

Ut pictura Poësis erit.

Patiemini proinde, Reverendiss: Religiosi, Prænobiles, Nobiles, ac Eruditi DD. Neo-Baccalaurei, si quam sapientia Basilicam extruxit, nos hodie Pictores Poëtæ eandem vobis in tenui hac tabellâ pro modulo nostro, si non depingimus, saltem adumbramus. At nolim vobis aut Romæ capitolia, Cyri regiam, aut Alexandriae Serapea imaginemini. nullum hic seu Phidiæ, seu Memnonis; nullum Lysippi aut Myronis scalprum cogitate. Hæc nostra Basilica divinâ gloriatur artifice, Sapientia:

Sapi-

Sapientia ædificavit sibi domū, excidit columnas septē.
Apage hinc Lysippi aurū, Phidiæ eborā, Iphicratidis metalla, & Praxitelis marmora; vivis delectatur simulachris Sapiētia: nec alios in molis suæ sustentationē columnas admittit, quā eruditos sapientū vertices. Quod si septenarium columnarū numerū desideratis; dabunt hunc septē illi Græciæ sapientes; quibus ceu firmissimis columnis universa olim sapiētiæ moles inniti credebatur. Animatam proinde hanc sapiētiæ domum, seu verius Basilicā, vobis NeoReges Philosophi, hodie magno affectu, gestientiq; animo dedicamus. Debetur nēpè Regibus Basilica: Reges estis, iam olim ita pronūciante Platone, tū demum optimē cum rebus humanis agi, quando vel Philosophi regnarent, vel Reges Philosopharentur. Et verò si præcipua Regum felicitas est, & nulli servire, & nullius indigere; quis Philosophos Reges esse inficiabitur, qui Philosophiæ beneficio, & animum verè liberum, & rebus humanis omnibus superiorem sunt consecuti? Agite igitur, NeoReges Philosophi, & Divinā Palladis arte exstructum Sapiētiæ Augustale, in rudi hāc tabellā, rudiori Minervā à nobis adumbratum, gratioſo ac benevolo oculo respicite. Quod tum demum abundè gratioſum erit, cum invenerit gratiam in oculis vestris.

NOSCE TE IPSUM.



*Q*uid juvat insomnes studiis consumere noctes
Ingenio ut possis multa tenere tuo?
Hæc sit prima tibi summæ Sapientiæ curæ,
Ut temet solum noscere posses queas.



Uc huc corollis inclyta Laureis
Pubes Stagiræ non remorantibus
Te siste ventis; gloriosos
Huc properas age flecte curr?
Per regna veræ si Sapientiæ
Optas citatis pergere cursibus;
Non est Cleantis quod lucerna
Noctivagas tibi pellat umbras.
Nec est necessum quærere Pythij
Responso Phœbi, vel Tripodem Jovis;
Non sensa vatum, vel reclusum
Fatidicæ folium Sibyllæ.
Huc verte gressus, quæ lavat Austrius
Ister citato fluminis alveo
Camposque, terrasq; , & superbam
Cæsareis Aquilis Viennam.
Septem hic columnis stant laquearia
Subnixæ molis, quæis Sapiantium
Insculpta formis exhibetur
Palladiæ Domus apta turmæ.
Laxatur isthic pendula Delphici
Cortina Phœbi, quæ Sapientiæ
Oracula non lusura pandit,
Et titulos Sapiientis offert.
Ergo citato Philosophi pede
Post tot furentis qui Boreæ Notos
Baccis viretis Laureati;
Huc oculos, animosque ferte.

Quem

Quem literatæ discite gloriæ

Quadriga veræ ad regna Scientiæ

Per tot labores, atque curas,

Per vigiles vehat axe noctes.

An qui disertæ nectare copiæ

Largoque suadæ flumine perpluit?

Aurata vel qui saxa dulci

Ad numerum modulatione

Ducit, canoris cantibus æthera

Nervisque replens suave sonantibus

Sylvas comatas, & ferarum

Indomitum domat ore cœtum?

An quem eruditi nominis extulit

Rumor per orbem, dum variabilem

Terram relinquens, per polares

Ingenio spatiatur ignes?

Verum remotos quid juvat ætheris

Signare gyros? quid varios maris

Fluxus, refluxus? quidvè rerum

Omnigenas penetrare causas?

Sì temet ipsum noscere negligas

Curâque nullâ notitiam tui

Habere tentes? quâ carendo

In medijs jacet omnis umbris.

Hoc scire primum convenit omnibus

Quid mens recondat cordis in intimo;

Et prævidere curta tecto

Num proprio lateat supellex.

Hanc in profundo vos Sapientiæ,
 T E N O S C E, semper pectore conditam
 Servate legem, Laureatæ
 Quos decorant hodie coronæ.
 Ad hoc probetis vos speculum velim,
 Domum priusquam Palladis inclytæ
 Subitis, arcanis Sophiæ
 Consilij animum daturi.
 Sic vestra crescet semper adorea,
 Rigata veræ fonte Scientiæ,
 N O S C E N D O s e, Verni viroris
 Perpetuos referens honores.

Ita est DD. NeoBaccalaurei, nunquam sine honore est Sa-
 pientia, quæ se ipsam novit. Compendio eam affecutus est,
 qui se ipsum didicit noscere; si tamen compendiosum id dici de-
 bet, quod Thaleti Milesio est difficillimum. Dixerit, & bene,
 Regius Vates, initium Sapientiæ esse timorem Domini: Di-
 camus nos initium, & finem ejusdem Sapientiæ esse, notitiam
 sui. Acutam habet oculorum aciem Philosophus, qui in Sapien-
 tiæ positus speculâ, se ipsum in primis videre conatur non alibi,
 quàm in speculo vitæ. Si ad Cleantis lucernam ideo vigilet,
 oleum & operam non perdit. Sapiientis gaudet nomine, qui
 Naturæ arcana novit; Sapientissimi, qui se ipsum.

Ferdinandus Bonaventura Comes
 ab Harrach.

Joannes Baptista Pinell, Provincia-
 lis Viennensis.

Carolus Franciscus L. B. à Scherf-
 fenberg.

Franciscus Carolus Sartorius à
 Schvannenfeld, Provincial.

NULLA

NULLA DIES SINE LINEA.



*Q*uotidie volucris rapitur super æthera curru
Cynthia, atq; statas itque reditq; vias.

Hunc, Sophe, si sequeris, Laurum mercare labore:

Nulli per ventos assa columba venit.



Ullus supino in otio obscurus latet
Honor: repellit desides.

Si quem veterno torpor ignavus premit,
Non is colossos instruet.

Cum miles actō prælio clypeum super
Fessis recumbit artubus;

Tunc & labori debitam laurum suo
Non vanus augur somniat.

Fugit otiosum daphnis ignavi caput
Frontemque Baccâ cingere.

Soror est laboris Gloria: ut spinis rosa;
Sic hæc labori jungitur.

Non una, crede, gutta sudoris, ratim
Plenam trophæis provehit.

Sudandum, agendū est: palma non venit, nisi
Pretio laboris improbi.

Laborem eodem & Gloriam fugis pede
Nulla abs labore Gloria.

Parū sepulchro distat, ignavo terit
Quicumque tempus otio.

Quicumque Phryxivellus auratum cupis;
Adito Colchos impiger:

Committe fragilem Nerei cymbam minis
Vitamque ponti fluctibus.

Trana charybdim, vince Scyllæos canes,
Supera furores Æoli.

Attende deses sidera: viden' ut suis
Singula laborant motibus!

Attende Phœbum: cerne, quotidie ut suos
Cursu labores innovat;

Vnamque quovis lineam ducit die,
Quietis omnis inscius.

Qui si vel uno sisteret motum die,
Periret Universitas.

Adverte pontum: modò fluit, refluit modò,
Nunc intumet, nunc detumet.

Putere gravius stagna, ni moveas, solent:
Et æs perit rubigine,

Quod lima non frequentior & usus polit.

LABOR EST AD OMNIA UTILIS.

Hoc Pallas hastam Sophica consilio vibrat;
Vt turpe cesset otium,

Cadatq;, quisquis dite prognatus sopor
Aciem venenat ingenij.

Age ergo Sophe, qui Gloriam & laurum sitis;
Mercare callo Gloriam.

Suda, Labora, Lauream & Baccam rapit
Callosa tantum dextera.

Vive,

Vive, & quot addent fata viventi dies;
Tot duc laboris lineas.

AD sapientiae apicem conscendere, labor est. non negamus. operosi moliminis res est, & difficultate plenissima Philosophum evadere. fatemur. at eluctandum, & nervis omnibus enitendum. Audite Senecam: Generosos animos Labor nutrit. Laborem si recuses, parum esse potes, nedum Philosophus. Profecto non est Viri timere sudorem; nec eluctantis in excelsum, pectoris, sine pulvere, incruentam sibi victoriam polliceri. Ante, ô mollicelle Sardanapali Nepotule, Alcimachum credas, qui Dioxippum hoc in Pancratio, egregius enimverò Palestrita, citra pulveris tactum prosternas? Cum Minerva manum move, si animosi sub fibris bulliunt spiritus; si immortalem Philosophorum gloriam invidendo constitutam loco suspiciosi votis anhelas. Apelli dies nulla sine linea. age, manum move, perditâ dies abiit, quæ abiit sine lineâ. nîl pictor sine lineâ, & nîl Philosophus. Si Laërtio fidem adstruimus, Cleanthes Philosophus, Hercules alter vulgò audijt, eò quod labores omnes constantissimo animo exsorberet, noctuq; aquam pro mercede hauriret, unde victum sibi diurnum pararet. Ut Philosophus, audiret Hercules, fecit labor. Hercules & vos esse potestis D.D. Neo-Baccalaurei, si eam, quam nacti estis spartam gnaviter adornetis. Clavam Hercules, calamum Philosophus gerit. illa monstra, hic inscitiam, trucidat. illam quis Herculi, & hunc quis animoso Philosopho extorserit?

Adamus Guilielmus Comes & Dominus à Brandis.

Joannes Ignatius Marienbaum, Nob. Vien.

Jacobus Andreas Leopoldus Comes & Dominus à Brandis

Joannes Matthias Pörl, Nobilis Viennensis.

NVLLI

NULLI PENETRABILE TELO.



P *Elidæ pectus nulli penetrabile telo.*

Muniit à stygio conditus umbo fabro.

Si cupis adversæ, Sophe, tela retundere Sortis;

Invia vulneribus scuta Sophia dabit.



Heu! volucris vertimur orbita,
Sortisque sævo ludimur impetu:
Nihil stat æternum aut perenne;
Quicquid habet ruiturus orbis.
Nil hic perennat. fabula luditur
Fallentis ævi: syrma, penulâ,
Soccis, cothurnis. Syrma gestat
Nunc aliquis Pronepos Atridæ?
Mox luctuosâ dura catastrophe
Cum fata scenam & pegmata subruent;
Vanescet in ventos imago
Ludibrium variantis auræ.
Quem densa stipat turba clientium,
Et fortis audit filius auræ;
Mox orbis exul de theatro
Deijcitur posito cothurno.
Ah! alta quisquis regna premis gradu,
Et Rex in aulâ es; fultaq; tetricis
Regum paludamenta curis
Ex humeris fluitare cernis;
Casus memento. vertitur omnium
Fatalis urna. & quos prius aurea
Sors fovit; excussis riaris,
Perfidia statuit trophæum.
Vertente fato sceptriger Hannibal
Expes veneno pectora perfodit:
Sic Commodique & Pertinaces
Visceribus moriuntur haustis.

Miser nitenti de folio cadit,
Et trina scandit ligna Polycrates:
 Numen superbum Vandalorum,
 Mordet onus Gelimer catenæ.
Quid ille, victus qui jura Tartari
Tulit superbi? heu! triste canens avis
 In ferreis clathris gemiscit;
 Regificæ canis inde mensæ,
Ad ossa prodit. Fidite prosperis;
Fastigiato fidite vertici;
 O cæca, mortales, futuri
 Pectora! rara comis locata,
Ad usque canos stant diademata
Quem vidit Eos culmine regio;
 Hunc prosperis indormientem
 Præcipitem dabit Hesperugo.
Sic fors potentes invida subruit,
Regumque casus præcipites rotat.
 Solus Sophus fortis rotantis
 Fulmineos remoratur ausus.
Ceu quondam Achilles vulnera nescijt
Haurire fibris, impenetrabili
 Vmbone tectus, quem Sicana
 Mulciberi fabricârat incus.
Sic quem Sophiæ non penetrabilis
Obarmat umbo. credite, pectoris
 Si quando Fatorum serenum,
 Turba statum quatiet minantum;

Non' ille turpi terga dabit fugæ,
 Aut se furentis subtrahet ictibus;
 Stabit, repentinosque sortis
 Impiger excipiet tumultus.
 Ergò, si amicos blandior explicet
 Fortuna vultus; despice: fulminat?
 Prætendito scutum Sophiæ,
 Telaque non trepidus retundes.

E *St hæc tertia Palladiæ huius Basilicæ columna, Neo-Reges Philosophi, DD. Baccalaurei; pectus scilicet nullis adversitatum telis, nullis novercantis Fortunæ furoribus penetrabile. Fabula est, Achillis scutum à Vulcano fabricatum nulli penetrabile telo fuisse. historia est, Philosophi, hoc est, Sapientis animum nullis adversæ sortis insultibus expugnari posse. Philosophia nempe, clypeus est Achillis. lacertosus sit oportet, & Scientiæ præstans robore, cui id genus clypeus conveniat, non cuivis etiam Patroclo accommodatus. Isthoc clypeo, hoc scuto quot non Lycambæas hydras, Philosophia osiores, Menaleos Leones, monstra Ignorantia armatus Philosophus conficiet? ut non immeritò plus laudis habeat hoc inexpugnabile Philosophi scutum, quàm gladius Hectoris, Harpe Mercurij, Neptuni fuscina, framea Martis. Agite ergò Domini NeoBaccalaurei, mares induite animos, & vos clypeo hoc vestro instruite: nec hostiles Invidia impetus reformidate: certa enim ibi solet esse victoria, ubi Sapientiæ armis pugnatur.*

Ioannes Baptista Gorizzuti, Pro-
 vinc. Austriacus.

Franciscus Christophorus ab Egra,
 Nob. Viennen.

Franciscus Adámus Feigenputz,
 Provincialis Austr.

Ioannes Baptista Hampelius,
 Nob. Viennen.

VIR-

VIRTUTE ET SAPIENTIA.



Tyndaridæ gemino si antennas sidere lambant ;
Portendunt faustum ac molle per æquor iter.
Qui sine naufragio vis currere Palladis æquor ;
Iungito Virtutem Palladi, tutus eris.



Damantino consortio
Et Pallas atque Virtus,
Clauduntur uno pectore,
Throno morantur uno.

Sine hac nec illa penditur,
Nec hæc placet sine illâ.
Si tollis hanc, jam Cynthium
Dicêris abstulisse.

Si tollis illam; Cynthiam
Dicam deesse cœlo.

Utramque tolle; corruet
Tenebris sepultus orbis.

Si reddis hanc, jam Cynthium
Cœlo suum dedisti.

Si reddis illam, Cynthiam
Te reddidisse dicam.

Utramque redde, gestiet
Lumine coruscus orbis.

Ita nempè in unâ confident
Et hæc & illâ sede.

Virtus coronat Palladem,
Et hæc coronat illam.

Sic mutuò se fæderant,
Et mutuò cohærent.

Si pulsa Virtus orbe sit;
Pallas sequetur exul.

Aut si remaneat, angulo
Obscura delitescet.

Nimi-

Nimirum ab illa gloriam,

Lucemq; mutuatur.

Quisquis superbis Pallade,

Cerebrumq; Thraſo jactas;

Niſi comes adſit Palladi

Virtus, inane jactas.

Si vis ſecundum currere

Felicitatis æquor:

Hæc gemina velis ſidera

Colluceant, neceſſe eſt.

VIRTYTE nempè & PALLADE

Pericla mitigantur.

Sic quando ſidus Tyndari

Gemino reſulget aſtro;

Sumunt ſecundum navitæ

Felicitatis omen.

Tum nulla metuunt æquore

Pericla navigantium.

Jocantur undis Dorides,

Et ludit Amphitrite.

At ſi vel abſque Caſtore

pollux, ſine hoc vel ille

Suo igne lambat cornua,

Aut vela preſet unus.

Pericla ſignant proxima,

Et ultimam ruinam.

Tunc mille Pontus fluctibus,

Mille æſtuat procellis.

Virtu-


Virtute sine si navigas,
 Licet adsit una Pallas;
 Undis peribis naufragus,
 Jactaberis procellis.
 Ledæa fratres astra sunt,
 Junctiq; fausta spondent.
 VIRTUSQ; soror est PALLADIS;
 Has junge, & es beatus.

Non sapis ô Philosophè, qui *Virtutem à Sapientiâ* dividis. Si
immortalis gloriâ bigâ vis prevehi, geminâ hac Virtutis ac
Sapientiæ rotâ opus est. Si vis sine naufragio, procellosum
hoc vitæ tue æquor enavigare: cave sis, ne gemino hoc Virtutis
ac Sapientiæ sidere destituaris. Periculose navigat, quisquis
sine his seu ducibus seu comitibus navigat. Iam olim formida-
bile nautis Exitiale fuerat, sine gemino Castoris ac Pollucis
sidere navigare. Fratres illi fuere; Virtus & Sapiencia so-
rores sunt. Non minor inter has, quam illos necessitudo inter-
cedit. Quisquis proinde ad desideratum gloriæ portum anhe-
las; Virtutis ac Sapientiæ auspiciis provehere.

Ferdinandus Leopoldus Breüner, Sigefridus Christophorus Breüner,
 Libi. Baro. Austriacus, Libi. Baro. Austriacus.
 Carolus Doll à Dollburg, Nobilis, Carolus Godefridus Pichler, Nobi-
 Tyrolensis, lis Austriacus.

SIC

SIC INIICE FRÆNA VOLUPTÆ.



*Q*ualis compedibus constrinxit Nerea Xerxes,
Compulit & tumidum vincla subire salum:
Fortia præproperæ sic iniice fræna Voluptæ;
Hanc rege, ne pereas; ne capiâre, cape.



Uisquis purpureo Syrmate clarior
Rex in gemmifero confidet effedo
Subiectasque potenti

Gentes imperio premit.

Hunc si vel proprii dissidium trahat
Captivum imperij; continuo ut ruat,
Quo vesana libido,

Aut æstus animi vocant;
Indignus validi nomine Regis est:
Turpe hunc Mancipium dixero veriùs.
Rex est, qui Sapienti

Se primum imperio regit.
Jactet lata alius regna Borysthenis,
Aut metas alius prædicet Herculis;
Sunt angusta Britanni

Quamvis maxima littora:
Non sic vasta tenent regna Nasamones;
Strictis imperitant finibus Ausones;
Argivique Phrygesque,
Gætulique, & Achæmeni.

Non Parthos memoro: cedit Dardani,
Indi, Massagetæ. Latius imperat,
Qui solus sine vulgo

Liber, vota regit sua.
Imbelles animos parce fidelibus
Præmunire pylis: neu latus aspero
Vel lorica, vel umbo

Cinctus; neu pharetræ tegant.

An te Sauromata, an lectus ab ultimis
Miles Bæticolis ambiat, an Geta;
Ne cura, tibi factus
Et ductor tuus & pugil.
Regem bellipotens non faciet cohors,
Non vulgi rutilans purpura sanguine,
Aut gemmâ, rutiloque
Auro frontis apex micans.
Rex est, immodicos qui domuit metus,
Qui solus tacitè castra sibi facit,
Fortunamque duello
Casumque assiduo ciet.
Ceû quondam tumido vincula Nereo
Xerxes iniiciens, sub juga compulit,
Captivumque superbis
Vinxit compedibus mare.
Non tantis refluent fluctibus æquora;
Quantis unum hominis pectus ab æstibus
Fervet, perpetuoque
Euripos patitur suos.
Hoc quisquis pelago naufragium times;
Turgenti validas injice compedes.
Iram nempe & Amorem,
Fastumque imperio preme.
Quisquis docta suo fræna Cupidini
Aut desiderijs impiger injicit;
Rex est. latius astris
Ac orbe imperium tenet.

Si omnino est, DD. Neo-Baccalaurei. Sapiente nemo latius imperat. Sint sua Affveris, Cyris, Darijs, Claudijs, Neronibus, ac Tiberijs amplissima imperia; jaçtent, per me licet, sceptrum sua Augusti, Cræsi, & Alexandri: latius imperat; qui solus, vulgoq; exemptus vota sua ac desideria certis legibus moderatur. Frustra imbelles pectus aut lorica cingis; aut umbone tegis; nisi tuus tibi met fias & miles, & pugil, & Imperator. Exiguum quidem regnum sumus: qui tamen seipsum sibi met laudabili imperio subdidit; Hic Vir, hic Rex est. Armata militum cohors, longus Satraparum Ephæborumq; ordo, vulgi sanguine tincta purpura, aut coronatus diademate vertex, Regem non faciunt. Quem propria captivum trahunt cupiditates, cui effrenis dominatur ambitio, quem superbia inflat, Libido enervat, gula distendit, Invidia exedit, furor accendit; licet Europam, & Asiam, Africamq; omnem imperio suo teneat; non Rex, sed purpuratum cupiditatum suarum mancipium rectius appellabitur. Qui sibi met imperare, & cupiditatibus suis frena injicere novit; hic demum Rex est. Injecerat quondam aureas Ponto compedes Xerxes; rectius procul dubio facturus, si eas fastuoso animo, quo tumebat, injecisset. Nullum sanè mare tantis unquam fluxibus ac refluxibus agitur, quantis vel unus vitiosi hominis animus cupiditatum aestibus, ceu Euripus quidam agitur. Huic proinde, quisquis ad sapientis, seu veri Regis laudem aspiras, vincula & compedes injice, ut illud aliquando audias: quis est hic, quia venti & mare obediunt ei.

Ernestus Pötschovitsch, Lib. Baro
 Austriacus.

Casimirus Pötschovitsch, Lib. Baro
 Austriacus.

Sebastianus Reringer, Nobilis Car-
 niolus, Convictor.

Ioannes Philippus Alberth, Civis
 Viennensis.

NE QUID NIMIS.



I Carus & Phaëthon nimium dum viribus audent,
Casu per præceps lapsus uterq; perit.
Qui sapit ac sentit, medio tutissimus ibit,
Nempe nec ima nimis, nec nimis alta petet.

R Idete posthac Icarum Nymphæ maris:
Qui cum sub ipsas siderum ac solis vias
Incautus ales tenderet; præceps ruit,
Suoque casu nomen imposuit freto.
Infaustus ales! prodromum linquens patrem
Æquo altiores Icare insistis vias.
Metue ruinam: penna sub tumulum ruit,
Quæcunque stellis compari nifu volat.
Nimis alta quisquis appetis, casum paras:
Qui pressa nimium sequeris, abjectus jaces.
Medium teneto: sistit in medio salus.
Extrema tentas? heu cave! NE QUID NIMIS.
Extrema secum semper extremam solent
Trahere ruinam. tutus in medio latet
Qui extrema vitat: nimia, qui quærit, perit.
Expertus hoc es propriâ quondam miser
Phaëthon ruinâ, patrē cum invito licet
Currus paternos regere, & alipedum in diem
Jus omne peteres. patria tempisti insolens.
Iterata monita: nate, cave, NE QUID NIMIS:
Grande est, quod optas: viribus petis tuis,
Majora Phaëthon: te esse mortalem scias;
Mortale non est, crede, quod patrem rogas.
Formis ferarum mille, & insidijs iter
Periculosum postulas: NE QUID NIMIS.
At surdus hic monente nequidquam patre
Instare votis, quosque petijisset semel
Vrgere currus; usquedum voti simul

Composq̃ue & impos, curruj insists levi
Per omne raptus avium, effusis ruit
Præceps habenis; vindicis demum Jovis
Afflatus igne, debitas tanto luit
Pænas furori. Nempè sic præceps cadit,
Quicunq̃ue se majora malè cautus petit,
Sapientis una hæc tessera est: NE QUID NIMIS.
Nec fausta nimium, læva nec nimium pete.
Consiste medio. Cuncta si ad votum fluant,
Et sorte blandà gaudeas; NE QUID NIMIS.
Si læva frontē caperet, aut gravibus premant
Te fata superum luctibus; NE QUID NIMIS.
Lætitia nec te nimia, nec mæror gravet.
Hinc te charybdis, inde Scyllæi canum
Manent latratus, casus utrinq̃ue imminet.
Vel hinc, vel inde captus, haud dubiâ miser
Peris ruinâ, media nî teneas freta.
Incede medius, nulla quæ metuas, habes
Pericla Ponti: solus insipiens abit
Quicunq̃ue medio, certa naufragij subit.
Pericla. Nempè

MEDIO TUTISSIMVS IBIS.

OS) O (SO

SO

Hoc

Hoc nempe est, neq₃ ad dexteram, neq₃ ad sinistram declinare. Medium semper tenuit, quisquis à ruinâ procul esse voluit. Icarus incautus nimium ales, dum à medio deflectens, & supremam aëris regionem fragili ac cercopennarum remigio tentat, inde ob vicinum solis jubar labascente in humeris pondere, in subjectum mare delapsus, damno suo miser discit, Omne nimium verti in vitium. Sic non minus miser Phaëthon, dum patrij currus habenas moderari imperitus nimium, auriga præsumat; medio non sciens consistere; sed præfixos sibi à patre viâ limites egressus, cælum omne terramq₃ flammis incendens, tandem Jovis ignibus ictus, & in subjectas Padi aquas deturbatus, luculentè satis docet aureæ mediocritatis fines sine aperto salutis discrimine præteriri non posse. Et hoc est, DD. Neo-Baccalaurei, quod Pittacus ille Mitylenæus de septem Græciæ sapientibus unus, monere identidem solitus fuerat: Ne quid nimis. Quem si & vos monentem auditis, Neo-Baccalaurei; beati estis, beati inquam, quia medium tenuere beati, quibus Virtus in medio semper consistit.

Ioannes Christophorus Stupan.,
Provincialis Viennensis.

Ioannes Schletzer, Nobilis Viennensis.

Leopoldus Wuerth, Austriacus
Viennensis.

Ioannes Franciscus Winsaur, Nobilis Viennensis.



SUNT

SUNT FULMINA LAUDI.



Fulmine cerva parit. manet inter fulmina Olympus
Tutior, & culmen nubila nulla premunt.
Sorte tonante Sophus parit, & ceu alter Olympus
Perpetuare animum scit sine nube suum.



Uisquis excelsum Sapiientis ambit
Nomen; adversis sapiat necesse est.
Pallas & Virtus habitant eâdem

Sede Sorores,

Nempe præcelſi reſident Olympi
Vertice, & lætos ſine nube Soles
Exigunt ambæ, & ſtabili perennes

Pace fruuntur.

Vera laus veri Sapiientis hæc eſt;
Inter adverſos tenuiſſe caſus
Pectus invictum, & retinere vultum

Semper eundem.

Qualis excedens tetricas Olympus
Nubium pugnas, placidus reſulget
Vertice in nubi, & glaciem rigentis

Deſpicit Hæmi.

Nullus hunc ſævis Aquilo procellis,
Nulla ventorum exagitant duella:
Huc nec excuſſi penetrant triſulci

Fulminis ignes.

Semper innubi renitet ſerenus

Ambitu vertex: neq; fulminantis

Ætheris quicquam trepidant furenti

Culmina motu.

Talis æternâ ſtabilis quiete

Ridet iratæ ſapiens furores.

Sortis, & conſtans caput è dolorum

Nubibus effert.

Ardeat

Ardeat flammis domus, atq; fument
Patrij, injectis facibus penates,
Obyijs fines populetur hostis
Barbarus armis.

Astra frangantur, trepidamq; cælo
Lampadem Phæbus rapiat sub orbem,
Inter has vultu Sapiens ruinas
Stabit eodem.

Hæc viri vita est Sapientis, illam
Quam semel frontem induerit, tenere
Semper, & nullo impavidum moveri
Turbine Sortis.

Sæpius duris agitata Virtus
Casibus crescit, lapidisq; ad instar
Lydijs, quæ sint animi profundo
Condita, monstrat.

Sic ubi crebro micat axis igne,
Et polo utroq; increpitant tonitrus;
Tum gravis fætu parit inter ignes
Cerva trifulcos.

Sit licet raris gravidum Sophorum
Dotibus pectus; tacitæ latebunt,
Attonent hos nî truculenta Sortis
Fulmina partus.

Non minùs verè, quàm benè de Sapièntia sensisse illi mihi
 videntur, qui eam non secùs ac Virtutem ipsam in arduo
 collocatam esse pronuntiârunt. Dictum benè! nunquam inter
 blandos Soles tam serenum caput Olympus exerit; quàm
 placidum tranquillumquè animum inter tumultuantis Sortis
 tempestates præ se ferunt Sapientes. despicit ille innubi verti-
 ce desævientes infra se fulminum, imbriumq; procellas. Sa-
 piens vultu semper sereno incedens, è nubibus semper eluctatur,
 Et quò fœdior contra insurgit tempestas, eò nunquam non micat
 Sol venustior. Nullam hic metuit tempestatem supercilium,
 nullæ madent in oculis pluvia. Adeò nempe genuina est Sa-
 pientis cum Olympo indoles. nulla Olympo sine fulmine laus;
 nulla Sapienti sine constantiâ in adversis est gloria. Quid,
 quòd nusquam fœcundior esse soleat Sapièntia, quàm inter medios
 adversantis Fortuna tonitrus? Cerva inter tonitruum
 fragores felicissimè fœtum effundere fertur. nunquam Sapiens
 fœcundior, quàm cùm ab invidâ Sorte maximè fulminatur.
 Ita jam olim sensit sapiens Cleobulus, dum illud in Philosopho
 primum desideravit, adversâ perstreperente Fortunâ non
 frangi.

Ernestus Rudgerus Comes & Do-
 minus à Strahlenberg.

Franciscus Bernardus Olischer,
 Nobilis Austriacus.

Ioan. Franciscus Festa, Nob. Vienn.

Ioan. Anselmus Casimirus Scheffer
 de Leoncastro, Provinc. Ratisp.

Ioan. Andreas Viechter à Grueb,
 Nobilis Viennensis.

*Placuit hic coronidis loco, priusquam manum à tabulâ re-
moveremus, operi nostro (quod Pictores assolent) labo-
ris annum subicere. Pinximus igitur,
quo Anno*

tertia fernanDI sVbsCrIpsIt sponsa trIVM-
phIs.

VIVat Vt IstrIpotens, IVppIter æqVe
faVe!

Antonius Ludovicus Leix à Leūxen-
stein Provincialis.

Quo item Anno verum erat dicere

HO C Anno E Leonora Desponsata est ferDI-
nanDo,

Joannes Anselmus Casimirus Scheffer,
à Leoncastro, Provin. Ratisbon.

Et X. MaII R. P. Ioannes pfLeger soC: Ies:
In VnIVersItate AVstrIa Co- ViennensI
BaCCaLauVreos CreaVIt.

Joan: Christoph: Stupan, Provinc. Vien.

Quapropter

Lætet V^r. ferDⁿanDV^s tertIV^s tertI^a Con-
IVge potIt V^s. IVblLate Neo-BaCCaLaV-
reI sCientIæ LaVro honoratI,

Carolus Godefridus Pichler,
Nobilis Austriacus.

Et AVgVsto CæsarIs ferDⁿanDI tertII
AVstriæCI, & ELeonoræ thaLassIo, Vestras
Neo-BaCCaLaVreI Viennenses sVb-
sternIt LaVros:

Joannes Christoph. Stupan,
Provincial. Vien.

Vnaq^{ue} nobiscum animitus vovete:

VIVat nestoreos ferDⁿanDV^s tertIV^s annos!
VIVat Io feLIX & Leonora DIV!

Joannes Andreas Viechter à Grueb,
Nobilis Austriac. Vien.

CHRO-

CHRONOSTICHON

A D

Neo creatos DD. BACCALAVREOS.

Bellabas , ac abijciebas Physice Spinam,
Physica fert palmam, jam cape, Socraticam.

Alphabeto jam olim sic aestimato.

a	b	c	d	e	f	g	h	i	k	l	m	n	o	p	q	r	s
1	2	3	4	5	6	7	8	9	0	10	20	30	40	50	60	70	80
t				u				x				y				z	
90				100				110				120				130.	

Resoluta—.

B	2	b	2	P	50	i	9
e	5	a	1	h	8	a	1
l	10	s	80	y	120	m	20
l	10	p	50	s	80	c	3
a	1	h	8	i	9	a	1
b	2	y	120	c	3	p	50
a	1	s	80	a	1	e	5
s	80	i	9	f	6	s	80
a	1	c	3	e	5	o	40
c	3	e	5	r	70	c	3
a	1	s	80	t	90	r	70
b	2	p	50	p	50	a	1
i	9	i	9	a	1	t	90
i	9	n	30	l	10	i	9
c	3	a	1	m	20	c	3
i	9	m	20	a	1	a	1
c	5			m	20	m	20

153

548

544

406

*Collectio quatuor columnarum, per Additionem
Arithmeticam.*

1 5 3

5 4 8

5 4 4

4 0 6

Facit 1651. Annum,

Rari affectus ac Neo creatorum Baccalaureorum
ergo sic lussit.

Cyriacus Weberus Westphalus Warbur-
gensis Seminarista.

CHRONOSTICHON.

annVs aDest, sponsIs In qVo aVstrla faVsta
trIVMphat,
sertaqVeLaVrIsophILaVrea fronte gerVnt.

A L I V D.

baCCIfer eLVXIIt qVI LVXIIt sponsIfer
annVs,

sponsIfer IMperlo, baCCIfer ILLe sophIs.

Ita posuit

Franciscus Bernhardus Olischer.

O. A. M. D. G.



607. (University of Vienna) Pfleger, Ioannes. *BASILICA SAPIENTIAE Septem Columnis Insistens*. . . . With engraved frontispiece and seven engraved emblems. Thin 4to, decorated boards covered with Baroque gold-and-flower paper. Vienna 1651. \$110.00

An emblem book for the Graduation Ceremonies of the Philosophical Faculty of the University of Vienna, in 1651. The Temple of Wisdom of the title is illustrated on the engraved frontispiece; the 7 columns consist of statues of the Seven Wise Masters who hold up the roof of the temple. On the roof are seven female liberal arts. Each of the seven emblems is for a different group of graduates; it begins with a general praise of learning and philosophy with "Nosce Te Ipsum" and "Nulla Dies sine Linea". Each picture is followed by a Latin poem and by a short address to the graduates whose names are given at the end of each chapter.

An interesting example of how emblematic thinking penetrated daily life and customs, especially in academic circles.

Lower margin of frontispiece cut short, otherwise fine copy.

